



Broj: 16-12-16-1793- 7 /25  
I. Sarajevo, 08-04, 2025. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23) i Izvještaja o toku i završetku e-aukcije od 01.04.2025. godine, na preporuku Komisije za nabavke za potrebe Državne agencije za istrage i zaštitu u 2025. godini broj 16-12-16-1793/25 od 07.04.2025. godine, u postupku javne nabavke auto guma za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **O D L U K U**

o izboru najpovoljnijeg ponuđača u postupku javne nabavke  
auto guma za potrebe Državne agencije za istrage i zaštitu

#### Član 1.

U postupku javne nabavke auto guma za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2025. godinu broj 16-12-16-1793/25 od 07.04.2025. godine, okvirni sporazum, na period od dvije godine, dodjeljuje se ponuđaču „GUMA VP 200“ d.o.o. Mostar, ponuda broj 16-12-1793-5/25 od 24.03.2025. godine, za ponuđenu cijenu u iznosu od 23.107,10 KM bez uračunatog PDV-a.

#### Član 2.

(1) Ponuđač „GUMA VP 200“ d.o.o. Mostar, obavezan je Agenciji dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je dužan dostaviti Agenciji u roku od pet dana od dana prijema ove odluke.

#### Član 3.

Ova odluka se dostavlja ponuđačima najkasnije u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### Član 4.

Za izvršenje ove odluke zadužuje se Sektor za materijalno-finansijske poslove Agencije.

#### Član 5.

Ova odluka stupa na snagu danom donošenja.

## O b r a z l o ž e n j e

Odlukom broj 16-12-16-1793-1/25 od 05.03.2025. godine, pokrenut je postupak javne nabavke auto guma za potrebe Agencije, procijenjene vrijednosti 23.400,00 KM bez uračunatog PDV-a, za koji je obavještenje o javnoj nabavci broj 1161-7-1-62-3-46/25 objavljeno na Portalu javnih nabavki 13.03.2025. godine i u „Službenom glasniku BiH“, broj 17/25 od 21.03.2025. godine. Novčana sredstva za realizaciju navedene nabavke osigurana su u okviru budžetskih sredstava za 2025. godinu, a na osnovu Instrukcije o privremenom finansiranju institucija Bosne i Hercegovine za period januar-mart 2025. godine, broj 05-16-2-7582-1/24 od 17.12.2024. godine i Dokumenta okvirnog budžeta 2025. - 2027. godina. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik).

Obzirom da je tačkom 7. Konkurentskog zahtjeva navedeno da je rok za dostavljanje ponuda 24.03.2025. godine do 13:00 sati, te da se ponude dostavljaju u zatvorenoj koverti, Komisija je dana 24.03.2025. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te konstatovala da su blagovremeno dostavljene ukupno dvije ponude i to:

R/B	Naziv/ime ponuđača	Ponuđena cijena (bez PDV-a) u KM
1.	„UNITRADE“ d.o.o. Ljubuški	23.371,18
2.	„GUMA VP 200“ d.o.o. Mostar	23.107,10

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), sačinila Zapisnik o otvaranju ponuda, koji je dostavila ponuđačima u roku od tri dana. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da su ponude ponuđača „UNITRADE“ d.o.o. Ljubuški i „GUMA VP 200“ d.o.o. Mostar, prihvatljive odnosno da ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Konkurentskog zahtjeva.

Komisija je od Sektora za materijalno - finansijske poslove aktom broj 16-12-16-1793/25 od 24.03.2025. godine, tražila da na osnovu uvida u ponude ponuđača „UNITRADE“ d.o.o. Ljubuški i „GUMA VP 200“ d.o.o. Mostar dostave stručno mišljenje u pogledu ocjene tehničkih uslova postavljenih u tački 3.1.4. Konkurentskog zahtjeva (Tehnička i profesionalna sposobnost, član 49. Zakona). Sektor za materijalno - finansijske poslove aktom od 26.03.2025. godine, dostavio je stručno mišljenje, u kojem je navedeno da su ponude ponuđača „UNITRADE“ d.o.o. Ljubuški i „GUMA VP 200“ d.o.o. Mostar, prihvatljive odnosno tehničke karakteristike ponuđenih guma u potpunosti odgovaraju u traženim.

Obzirom da je Konkurentskim zahtjevom za postupak javne nabavke auto guma za potrebe Agencije predviđeno provođenje e-aukcije u skladu sa Pravilnikom, da su zaprimljene dvije prihvatljive ponude ponuđača „UNITRADE“ d.o.o. Ljubuški i „GUMA VP 200“ d.o.o. Mostar, Komisija je zakazala e-aukciju za dan 01.04.2025. godine i to u 11:00 sati u trajanju od 30 minuta.

Prema Izvještaju o toku i završetku e-aukcije od 01.04.2025. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Ponuđena cijena (bez PDV-a) u KM	Rang
1.	„GUMA VP 200“ d.o.o. Mostar	23.107,10	1
2.	„UNITRADE“ d.o.o. Ljubuški	23.371,18	2

Shodno Izvještaju o toku i završetku e-aukcije od 01.04.2025. godine, Komisija je utvrdila da za navedeni postupak nije bilo snižavanje cijene ponude kao kriterij za dodjelu ugovora u rasponu od 0,1% do 10% najniže početne cijene svih ponuda, u skladu sa članom 8. Pravilnika.

Nakon provedenog postupka ocjenjivanja dostavljenih ponuda, cijeneći mišljenje Sektora za materijalno - finansijske poslove, Komisija je utvrdila da je ponuda ponuđača „GUMA VP 200” d.o.o. Mostar ocijenjena kao najpovoljnija ponuda, te da ista ne premašuje procijenjenu vrijednost javne nabavke,

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od dvije godine, u postupku javne nabavke auto guma za potrebe Agencije, dodijeli ponuđaču „GUMA VP 200” d.o.o. Mostar, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.

DIREKTOR  
GLAVNI GENERALNI INSPEKTOR POLICIJE

Darko Culum

